

多謝主席。我係一位歲半小朋友嘅爸爸，而太太亦係一個幼稚園老師，因此，我會喺哩 3 分鐘嘗試分別以家長同埋幼兒照顧從業員嘅角度，講下對於提升幼兒照顧服務嘅睇法。

過度依賴外傭

現時政府過度依賴輸入外傭解決託兒服務短缺的問題，現時請外傭的規定最低工資為每月 4,410 元，唔係咁多家庭，特別係年輕家庭負擔得起。而且，但香港寸金尺土，喺人均居住面積愈來愈細嘅情況下，唔係咁多家庭可以容納到一間工人房，而更多嘅情況下，外傭就被迫住係一個非常狹窄嘅空間。

全日制獨立幼兒中心飽和

資助全日制獨立幼兒中心競爭極大，根據人口普查和社署的數字，平均每 220 個 0-2 歲嬰兒才有一個名額，而十八區當中有六區是完全沒有獨立幼兒中心。政府不肯提供相關幼兒中心的輪候數字，令市民難以掌握實際的供求情況。而且，這亦是一個惡性循環問題，很多年輕家庭因託兒配套不足而不敢輕易生育。根據外國經驗，如英國、瑞士及新加坡等，政府均會為幼兒提供支援，例如有的會為有幼兒的家庭提供津貼，有的會為有幼兒進入託兒院的家庭提供津貼。但當局未有就此作研究，顯然欠缺國際視野，也追不上社會需求。

幼兒照顧人手不足

現時幼兒中心聘用人手長期不足，以致師生比一直未能改善。報告建議嘅 2-3 歲幼兒比例係 1:11，而 0-2 歲幼兒比例係 1:6，哩個其實係上世紀七十年代嘅標準，仍然非常落後！尤其喺 0-2 歲幼兒服務，我地建議應去到 1:3.5，先可以令照顧者可以更貼心、有效照顧哩 D 未有自理能力嘅幼童。而且，政府亦很應該藉著今次契機，將幼兒中心的人手編制逐漸與幼稚園看齊，提供行業一個較佳的就業前景。

幼師兼顧行政工作

喺免費優質幼稚園教育計劃下，教育局需要恒常監察幼稚園服務質素，我完全理解。但係幼稚園亦因此需要處理大量額外的行政工作，亦抽取左幼師照顧幼童嘅時間。因此，我地建議政府可以提供資源畀幼稚園聘用人手進行行政工作。

幼師薪級表

喺免費優質幼稚園教育計劃下，教育局提供左「建議的幼稚園教學人員標準薪級表」，但是並無實際約束力。因此，政府必須盡快制定幼師薪級表，並由政府資助，令幼師有更理想的工作前景，喺提升行業吸引力之餘，亦可留住人才，以應付日益增加的幼兒照顧人手需求。

朱子洪
民主青年